



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 8

Yangia anidakangma :

Tir Yimiyim

tiryimiyim@aolima

tir yimiyim

TAPAK 7

Cincinnati Open: Sinner-i Zverev koka final tongogo

Pua alir chioktsü asoshi ceasefire ya maongka tatembangba: Blinken

VOL. XXI ISSUE NO. 307 (ADOK 307) DIMAPUR SANGTENNÜ (TUESDAY) LUROI (AUGUST) 20, 2024 ₹ 5.00

DGP Rupin Sharma-i Wokha semdang



Rupin Sharma, IPS (file)

Dimapur, August 19, 2024 (TYO): Nagaland nung Director General of Police Rupin Sharma, IPS-i SP office Wokha semdang aser ketdangsürtem o Civil Society Organisations den senden ka amen.

August 17, 2024 nü at SP Office Conference hall, Wokha nung DGP Rupin-i Lotha Hoho, Lotha Eloeh Hoho, Lotha Youth Hoho, Lotha Student's Union, DB Union aser Wokha District Village Council Chairman Association nungi teshimtet nübotem den ajurutepa sensaksem. "Nagaland Police-i özüng alema inyangshiba ajema kümdaktsütsü aser sensotem kümzüka ayutsü atema tesem 300 shi ka nung garitem mita reprangtsü tenzükogo" ta DGP Rupin-i ashi.

"Nagaland Police tashi itdaktsütsü asoshi nisung ajaki yariteptsü aser amalitep alitsü ayongzükör" ta pai ashi.

Superintendent of Police-i

anir Wokha Police-i district nung law and order tiptema ayuba atema tenüngsang agütsür ta DGP Rupin-isa ashi.

Police-i teti nübotem kümzüka ayutsü renema lir anungji CSOs-i police dak temulung alemtsüla ta paisa ashi.

"Nagaland Police-i drugs azüoktsü atema tongtipang mapa aika tenzükogo. Police station balala nung ken o tem benoka aliba reprangdangra tensa süngjema mali, anungji police ketdangsürtemi özüng alema inyangshiba tera metettsü merangtsüla aser iba dak sendakba nung mapa inyaktsüla" ta Rupin Sharma-isa metetdaktüsü.

Iba senden nung SDPO, Wokha Sangthing Khiam, NPS-i NLTP, NDPS, garitem aser community policing indang osang lemsatöp.

CSOs nungi teshimtet nübotemia DGP Rupin den sensaksem Wokha district nung drugs khuret aliba, arrtsülen police tashi aitsü aser özüng alema arurtem azüoktsü onüktem lemsatöp.

Senden nung mendenji Additional S.P Wokha K. Soriso liasü aser SP Wokha Aotula T Imchen, IPS-i tesentepertem pelaa agizük.

Iba senden nung DGP Rupin den DIG (Range/ Kohima) Uniel Kichu, IPS aser DIG (NAP/IR) Chumrenthung, IPS na aden.

Bengaluru: Nagaland nungi tetsür ka dak tim masüba inyaker ka apu

Bengaluru, August 19, 2024 (Agencies): Bengaluru nung Nagaland nungi tetsür ka dak teka sangshiba atema nisung ka puogo. Iba lendong ya Deobarnep HSR Layout anasa atalok.

Tetsürlaji final-year BCA student ka lir aser Koramangala nung la party ka nung dennür kidangi meyipa aodang lai memetetba nisung kati la meinoktsütsü asüngdangba lai mulunga agizük.

Iba nisung ya choreographer ka lir aser pai tetsürlaji Hosur Service Road nung truck garitem anenba tesem kati anir orr tim

mesüi la dak kongshi.

Idangji tetsürlai pa den raratep aser tebursang tejak nunga zübo kettsü. Lar medemer ka dangi lai 'emergency message' ka yok aser iba nisung jagi tangartem dang shir la aliba tesem bushia ao.

Lar medemertemi la taoksa tia ka nung lia angu aser mozü kidangi anir ao ta police ketdangsür kati ashi.

Iba tatalokba sülen police telok lemsar bushitepa aodang Adugodi nung tebursangji par kidang lia apu. Iba tatalokba atema police-i maneni bushisüngdang südar.

Kohima nung Aug 24 nü 'working day' alitsü

Dimapur, August 19, 2024 (TYO): Kohima nung State Government office ajak August 24, 2024 nü mapa inyakba anogo asütsü ta Nagaland Governor-i metetdaktüsügo.

August 27, 2024 nungi 14 buba Nagaland Legislative Assembly indang 5 buba Session agitsü aliba ajanga taruba

Honibarnü 'working day' asütsü at Chief Secretary Dr. J. Alam, IAS-i sangdong ka nung ashi.

Iba anogo nung Administrative Heads aser Heads of Departments ajaki pei pei Department nung ketdangsürtem aser staff mapai arutsüsa teinyaktsü inyaktsü nunglokttsü ta Chief Secretary-isa ashi.

NSDMA-i SBI General Insurance den MoU nung sign sütep



Dimapur, August 19, 2024 (TYO): SBI General Insurance-i Home Department kübok Nagaland State Disaster Management Authority (NSDMA) den Memorandum of Understanding (MoU) ka nung sign sütepogo.

Iba ya Nagaland ajungalen Nagaland Disaster Risk Transfer Parametric Insurance Solution (DRTPIS) mapa inyaktsü atema lir aser küm 3 atema iba MoU nung sign sütepogo.

Iba parametric insurance solution ajanga Nagaland nung alima lendong balala atalokdang teyari angutsü. Iba ajanga state nung senotsü tsütsü timtem ajuruba nung yaritsü aser lendong atalokba sülen maparen balala inyakba nung pusema

nungittsü. Nagaland DRTPIS ajanga tsüngküm nung tzünglu talila aruba aser risk policy period kübok mongpu matongdang tzünglu aruba timtemtem reprangtsü.

India kübok state tem nung Nagaland ya 'most multi hazard prone' nung dena lir. Nagaland Disaster Statistics 2023 report ajanga 2018 nungi 2021 tashi tzi aser mongpu dak sendakba lendong 200% agi teimba akümbsa shia lir.

"Testüba küm ishika tsüngda India nung alima lendong tulu aika atalokba asenoki nguogo. Iba ajanga risk transfer lenmang ka bushitsüsa aküm aser Parametric insurance ka ajanga state kati takoksa angubatem atema teyari angutsü" ta SBI General

Insurance nung Managing Director & Chief Executive Officer Naveen Chandra Jha-ashi.

"Onoki Nagaland State Disaster Management Authority den yaritepa state nung iba parametric insurance solution tenzükba atema nüma atanger" ta pai ashi.

"Nagaland nung Disaster Risk Transfer Parametric Insurance Solution (DRTPIS) inyaktsü atema SBI General Insurance den sendaktepba atema pelar. Iba ajanga Nagaland nung disaster risk management system tajung amenoktsü aser lendong ajurudang mapang shitak nung teyari angutsü" ta Chief Minister Neiphiu Rio-ia ashi.

Nagaland ajungalen August 25 tashi tzünglu arutsü

Dimapur, August 19, 2024 (TYO): August 25, 2024 tashi Nagaland kübok district ajak nung tzünglu kanga arutsü ta Nagaland State Disaster Management Authority (NSDMA)-i metetdaktüsügo.

Iba mapang tesem kar nungbo tzünglu den tsüngmok atentsü aser tsüngi aitsü akok ta parnokisa ashi.

August 25 tashi Kohima,

Tuensang, Mokochung, Mon, Kiphire, Zunheboto, Phek aser Peren nung tzünglu kanga arutsü.

Iba mapang nübotemi tsüngi aser mopung tesashi nungi kümzüka alitsüla aser communication & connectivity nunga timtem ajurutsü akok ta NSDMA-isa ashi.

Tenemlen tzünglu kanga aruba ajanga Nagaland nung

lendenlen aser Dimapur, Nuland, Chumukedima, Bhandari, Pangti, Tizit aser Tuli amala foothill regions nung tzümettsüng timtem ajurutsü akok ta NSDMA, Home Department-isa metetdaktüsü.

NSDMA-isa Disaster Management Authorities aser tanga line departments ajak renema alitsü mepishir ta Commissioner & Secretary Lhouchalie Viya, IAS-i ashi.

Central government hospitals ajak nung security akangshitsü

New Delhi, August 19, 2024 (Agencies): RG Kar Hospital, Kolkata nung trainee doctor dak lendong atalokba sülen resident doctor temi Central Law ka yanglutsü akhangba mapang ka nung Union Health Ministry-i central government hospital ajak nung security 25% talila akümstsü mulunga agizükogo.

Health Ministry-isa standard security protocols dak alia government hospital temi mepishiba nung ajemdaker marshals mapa lemzüktsütsü ta metetdaktüsügo.

West Bengal, Uttarakhand,

Delhi, Haryana, Maharashtra, Assam, Karnataka aser Kerala dena state aser Union territory 26 nung healthcare personnel kümzüka ayutsü özüngtem lateta lir ta Health Ministry-i ashi.

"Anungji RG Kar ken o nung ajemdaker ordinance mesüra central law ka yanglu nunga temelenshi balaka malitsü kechiyong ya patient-doctor tsüngda atalokba masü" ta ketdangsür kati ashi.

Health Ministry nungi ketdangsürtemi Residents' Doctors' Associations aika den ajurutepogo aser tebilembatem

lemsatöpogo.

Maneni, Directorate General of Health Services (DGHS) menden ser luden ka tenteta hospital security, residents facilities, duty rooms, working hours, conditions aser canteen services meyipa reprangshitsü.

"Hospitals ya public yaridak lir anungji sepai tesep ama akümstsü makok. Onoki doctor tem dang lungkak aitba anentsü ayongzükogo kechiyong iba ajanga shiranger anepaluba nung tetsükdaktsü ajurur" ta sorkar ketdangsür kati ashi.

Chümoukedima nung BLO atema summary revision senden amen



DPDB Hall, DC Office Chümoukedima nung August 19, 2024 nü summary revision senden amendang Deputy Commissioner, Chümoukedima, Polan John, NCS ajanga BLOs tem den jembiba noksa nung angur.

Dimapur, Luroi/August 19 (TYO): Chümoukedima indang District Administration ajanga August 19, 2024 nü DPDB Hall, DC Office, Chümoukedima nung Chümoukedima, Niuland aser Medziphema district kübok BLOs atema special summary revision ayongzüka liasü.

Iba senden nung Deputy Commissioner, Chümoukedima, Polan John, NCS-i jembidang, electoral inyakyim ketdangüsü atema Election Commission of India ajanga sentong aser inyakyim balala benoka arur aser item rongnung takok tulutiba anguba sentongji BLO indang ya lir, koba 2006 küm tenzük aser election inyakyim nung tongtipang shilem ka kumogo, ta ashi.

Election ketdangüsü nung BLO shilem kanga tongtipang lir. Nisung ajak pei nem nungloktsüba mapa nung takotet alitsü aser pei mapa kanga junga meteter alitsü, saka Election Commission of India ajanga asenok nem totuyuba tasen agütsür aser asenoka item totuyuba tasen meteta alitsü nüngdaker aser apps balala amshitsü meteta alitsüla, kechiaser maparen ajak online mesüra portal

ajanga inyaker, ta pai ashi. Pai election maparen asüngteta inyaksü indang rateta ashi aser 'clean election' atema tongtipang tamendak dakji clean electoral roll ya lir, ajungji electoral roll ya shidak asütsüla aser teti update asütsüla, aji asünung dang electoral ajunga tejangja sayutsü aser asen electoral system müreksü atema iba summary ya maangka tajungtiba lir, ta DC Chümoukedima ajanga ashi.

Election Commission mesüra CEO ajanga booklets tulu nung totuyuba balala dener adoktsü, saka tatem nungbo item ajakji grassroot level aser BLO ajanga inyaksü, ta ashi. Asenoki sentong aser inyakyim balala ayongzüker, saka BLO temi pei mapa shidak meinyakra, inyakyim ajunga tamakok asütsü, ta pai ashi.

Maparen ajunga online kumogo aser ajak dashboard nung sayutsü, aser data nung ajemdaker meita asadantetsü, BLO aliba tesem indanga asadantetsü. Anungji nisung ajaki pei mapa tajungtiba nung inyaksüla. Summary revision ya sübosüyima inyaksü mapa masü, ajaki shidak inyaka kanga

ajunga tembangtsüla, ta DC Chümoukedima, Polan John-i ashi.

Paisa Registration of roll aser 'gender disparity' indanga kumdanga inyaksü ashi.

Nüburtemi BLO tem den ang angatetteper aser metokmeperi mesüra koda masüba mapang ajak nung BLO dang ajurur, anungji nenoki nüburtem den kanga junga yariteptsüla aser lenmang sayua maparen shidak inyaksüla, ta ayongzüker.

Polan John-i kibok sema survey kanga junga agütsü tongtipang lir ta ashi aser BLOs ajunga dang kilen ajak sendanga pei jurisdiction nung jenjang shidak metettsü ayongzüker.

BLOs temi pei mulungba nung ajemdaker maparen meinyaksüla aser ochishia inyaksüla, ta ashi.

Paisa aibelen mesüi electoral roll shidak bendentsü aser election ketdangüsü maparen tajungba kumdaktsütsü ayongzüka liasü.

Iba sentong nung ADC, Chümoukedima Dr Kuzonyi Wideo aser ADC, Medziphema nungeria BLOs teinyaksü lemsatapa liasü.

78th Independence Day nung Nagaland nungi school ana aden



PM SHRI GMS Showuba Old nungi kaketshir Yimjila-i Education Minister tushiba mapang tangokba noksa ka angur.

Dimapur, Luroi/August 19 (TYO): PM SHRI (Prime Minister's Schools for Rising India) ya Government of India ajanga September 7, 2022 nung tenzük aser iba scheme kübok linük tesem ajunga nungi school 14,500 dak tema PM SHRI Schools nung züngoktsü aser item nung NEP 2020 mapa kuma inyaka tatishitsü tajung aketba kaket reju kumdaktsütsü.

21st century skills dener kaketshirtem lenla ajak nung terenlok lidaktsütsü nükjidong nung iba sentong ya tenzük. Nagaland nunga tang

tashinung Government school 27 tashi PM SHRI Schools ama shimteta lir. Aser Red Fort, New Delhi nung 78th Independence Day benjongmung nung shilem ka ama Nagaland nungia PM SHRI School tem jaoka liasü.

Iba sentong nung Nagaland tenüng nung PM SHRI GHS Thahekhu aser PM SHRI GMS Showuba Old nungi kaketshir ana den tesayur ana aser State Mission Authority, Samagra Shiksha nungi kaketshirtem dena liasü.

Iba mapang parnoki India Gate aser Pradhanmantri

Sangrahalaya ama linük nung tongtipang tesemtem semdanga liasü.

PM SHRI Schools nungi shilem agirtemi Education Minister, Minister of State for Education, Department of School Education and Literacy, Ministry of Education indang Secretary aser Additional Secretary tem den sensaksem mapang agia liasü.

Education Minister nem tetushi agütsütsü atema PM SHRI Schools tem nungi nübu shimba nung Nagaland nungia kaketshir ka shimteta liasü.

NLA atema osangbener dang metetdaksür

Dimapur, Luroi/August 19 (TYO): Directorate of Information & Public Relations ajanga sangdong ka nung, August 27 nungi 29, 2024 tashi amentsü aliba 14th Nagaland Legislative Assembly indang

Session pongu buba osang abentsüpur dang tenüng, designation, organisation, car number (Car pass atema) amala iprnagaland@gmail.com dangi August 23, 2024 tashinung mail asütsü metetdaksü.

NAM-i state nung senior citizens atema health camp ayongzüker



Dimapur, Luroi/August 19 (TYO): Teintet rogotem yaritsü meranga Directorate of Health and Family Welfare (DH&FW), Nagaland kübok Ayush Wing ajanga 'LIVE HEALTHY, AGE HEALTHY' omen nung ajemdaker Nagaland tesem balala nung August 10 nungi August 17, 2024 tashi geriatric health camps ayongzüka liasü.

Iba mapang Ayush Health and Wellness Centre (AHWC) ajanga district 12 awajema liasü.

Iba campaign mapang teintet rogotem angati temang repranga mozü agüja liasü. Kasa mapang anema alitsü asoshi

yimya tajung nüngdakba ajiteta teintet rogotem dang fitness aser exercise yimya sayua liasü.

Geriatric health camps aser iba amala inyakyim balala ajanga teintet rogitem temang tajungba kumdaktsütsü nükjidong nung National State Ayush Mission-i Ministry of Ayush teyari nung mapang shia iba ama medical teyari agüja arur.

Iba campaign ya Ayush/ NAM Nagaland Dr. T Bendangtula, Deputy Director (Ayush) aser State Nodal Officer (NAM) Dr. Seyekhrieto John nunger temi ketdangüsü ayongzüker.

Phomching nung skill training temogo



Dimapur, Luroi/August 19 (TYO): Department of Employment, Skill Development and Entrepreneurship ajanga ayongzükerba "Skill Training for Rural Women through Mobile Skill Morung" tembangba sentong Phomching headquarter nung August 17, 2024 nü agia liasü.

Iba sentong ya kanga junga yanglur Mobile Skill Morung ajanga ayongzüka liasü aser yimdak-yimtsüng nung tetsür temi lenla balala nung timtem ajuruba nung rangloker agia liasü.

Iba training ya practical skills

agüja tetsür nem tashi agütsütsü nükjidong nung ayongzüker, koba tetsürtem rongsenketzung temaba jenjangi ajungketba atema tongtipang mera ka liasü.

Training takok ngua agiteter nisung 25 prong nem sweing machine, electric iron, scissor, measuring tape, French curve thimble aser seam ripper amala densema osettsüset balala agüja liasü.

Tang tashinung Phomching, Zubza, Wozhuro, Suruhoto nungi tetsür 100 nem training agütsüogo aser ano tetsür 100 nem training agütsütsü sentong lir ta ashi.

NBSE-i CM's Meritorious Scholarship atema metetdaksür

Dimapur, Luroi/August 19 (TYO): HSLC Examinations 2023 & 2024 batch nungi meritorious students shirnok Chief Minister's Meritorious Scholarship Fellowship (CMMSF) atema temsüa ali, parnok atema tenüngsang aser sempet agütsüba sentong ka August 24, 2024 nü Capital Convention Centre, Kohima nung anüngdang 11:00 ako nung agütsü, ta Nagaland Board of School Education (NBSE) sangdong ka ajanga ashi.

Iba sentong Advisor, School Education & SCERT, Govt. of

Nagaland, Dr. Kekhrielhoulie Yhome-i moatsütsü.

Anungji temsüa aliba kaketshirtem tang tesemdak pei school/institution uniform nung tsürabor ka dener arua anepdang 10:30 ako tashinung iba tesem nung mena alitsü ayongzüker, ta sangdong ajanga ashi.

Temsüa aliba kaketshirtem tenüng ya Board indang website nbsenl.edu.in nung inoktsütsü aser CMMSF HSLC 2023 & 2024 batch indang WhatsApp group nunga prokshitsü, ta sangdong ajangasa ashi.



August 19, 2024 nü New Delhi nung Union Finance Minister, Nirmala Sitharaman leniba nung Public Sector Banks nungi tongti ketdangsertem den senden amendang tangokba noksa nung angur.

Amit Shah-i refugees 188 nem linük senso certificates agütsü

New Delhi, Luroi/August 18 (Agencies): Ahmedabad nung Union Home Minister aser Minister of Cooperation, Amit Shah-i Citizenship Amendment Act (CAA) kübok refugee 188 nem linük senso certificates agütsüogo, ta ketdangsertemi metetdaksü.

Iba sentong nung jembidang Amit Shah-i, Citizenship Amendment Act ya linük nung jenoka alir million aika nem senso agütsüsa atema dang masü saka refugee million aika nem ochi temeden agütsüsa atema lir, ta metetdaksü.

Paisa, taoba mapang sorkartemi mesüzükba mapatongtem benokba ajanga 1947 küm nungi 2014 tashi nung linük nung jenoka alirtem nem pei temeden magütsü aru, ta ashi.

“Item nisungtemi kidanger linüktem nung reshikangshi ajangshia aruba dang masü saka yangia timtem ajangshia aruogo. Item nisung million aikati putu asem tashi temeden yongyaa

liasü saka opposition indang mesüzükba mapatong ajanga parnoki ochi temeden menguteti liasü. Ato kilonser Narendra Modi-i item nisung lakh aser crore aika nem temeden agütsüogo,” ta paisa metetdaksü.

Union Home Minister-isa, India nung nuchiso anguba mapang nung India ya tamangba yimsü nung ajemdaker lemdanga liasü, aser iba mapang nungji rara tulu adoka liasü, ta ashi.

Paisa, Pakistan, Afghanistan aser Bangladesh nung alir Hindu nung, Buddhist, Sikh, Jains aser Khristan crore aikati parnoki ajangshiba timtem mamateter, ta ashi.

“Kibongtem aika jashia liasü. Iba mapang nungji tang opposition nung alirtemi kidanger linüktem nungi aruba Hindu, Buddhist, Sikh, Jain aser Khristantem nem India senso agütsüsa ta nangzüka liasü. Election atongdangbo taoba mapang sorkar nung lenirtemi

1947, 1948 aser 1950 kümtem nung nangzüka amadok. Taoba mapang sorkari item nisungtem nem senso magütsü, kechiyong ibaji ajanga parnok vote bank jashidaksüla. Parnok indang temesükba mapatong ajanga nisung million aikati senso mangu, aser iba dang nungjagi temenen tuluba malitsüa akok,” ta Amit Shah-i metetdaksü.

Paisa, iba ozüng ya nüburttem atema lir; ozüng atema nüburttem masü, ta ashi.

“2014 küm onoki CAA benoktsü ta nangzüka liasü aser 2019 nungbo Modi sorkari iba ozüng ajangshia Hindu, Jains, Buddhists, Sikhs aser Khristantem aikati ochi temeden angu tenzükogo. Iba ozüng ya 2019 küm agizük saka iba sülenjia nüburttem jashi aser iba ozüng ajangshia Muslim nung senso agütsü ta jembia liasü. Iba ozüng kübok nisung kar senso agütsü atema shia mali saka senso agütsüsa atema dang lir,” ta pai metetdaksü.

Ukraine nung rara tenzükba sülen tang mezüng PM Modi-i iba linük semdangtsü

New Delhi, August 19 (Agencies): Russia-i Ukraine amak tenzükba sülen tang mezüng Ato kilonser, Narendra Modi-i Ukraine semdangtsü.

Tawa Narendra Modi-i Russia Tir, Vladimir Putin dak azütba atema Ukraine-i Modi aija liasü. Modi-i Poland aser Ukraine na semdanga ajanga India-i Russia den tesendaktep

tajung yuaka anüolen aliba linüktem den-a tesendaktep tajungba yanglutsü tebilemba aliba sayur.

Taküm July ita nung Modi-i Russia semdanga mapang nung pai Putin dak azütba atema Ukraine Tir, Volodymyr Zelenskyy-i Modi aija liasü.

India-i mapang shia Russia aser Ukraine tsüngda rara anentsü atema yimjung ken o

jembitsü ajangshia arudar. India aser Russia na ya Cold War mapang nungi tesendaktep junga lir. Iba mapang nungji India dangi raraba hadir teimtiba supply asüba linükji Russia liasü.

Ukraine nung rara tenzükba sülen anüolen aliba linüktemi India dang Russia den tesendaktep tajung mayutsü ajangshia liasü.



August 19, 2024 nü New Delhi nung Nepal Foreign Minister, Dr. Arzu Rana Deuba aser External Affairs Minister, S Jaishankar na senden amenba sülen tangokba noksa nung angur.

BJP-i küm 20 nung meinyaktetba Kejriwal-i küm 8 nung inyaktet: Manish Sisodia

New Delhi, August 19 (Agencies): Hombarnü Deoli assembly constituency nung sentong ka nung jembidang Aam Aadmi Party (AAP) lenir Manish Sisodia-i, BJP-i Delhi Chief Minister Arvind Kejriwal aitsür, kechiyong BJP-i aniba sorkari küm 20 nung meinyaktetba Kejriwal-i küm 8 nung inyaktetogo, ta metetdaksü.

Taoba mapang Delhi Deputy Chief Minister, Manish Sisodia tawa bail nung chioka liasü. Delhi excise policy ken o nung pa tesüiba ita 17 tashi jail nung puokba sülen tawa (August 8 nü) pa bail nung chiokogo.

Sisodia-isa, Kejriwal-i Delhi nung shisaliok aser healthcare tsütsü mapa tajung aika inyaktetogo aser Delhi nung electricity bills ajema kümtsüogo; pai item mapa inyaktetba ajanga BJP-i Kejriwal tsübur, ta metetdaksü.

Sisodia-i, Kejriwal ya linük tesem ajaklen nungtugu kümogo, kechiyong pai school kitem asü, ta ashi.

“Alima tesem ajaklen aser linük tesem ajaklen electricity bill teimba akümba mapang electricity bill zero kümtsüba

chief minister ji Arvind Kejriwal dang lir. Sorkar hospital tem nung treatment angati agütsüsa atema pai inyakyim ka tentet,” ta Sisodia-i ashi.

“BJP-i yimsüsüba state tem nung küm 20 tsüngda parnoki inyaktetba dang nungi Arvind Kejriwal-i küm 7-8 tsüngda mapa teimtiba inyaktetogo. Linük nung parnoki electricity bills zero kümtsüba mesüra sorkar school tem tajungba kümtsüba state ka danga mali. Ibayongji parnoki Arvind Kejriwal tsübur. Ibayongji parnoki Kejriwal jail nung puok,” ta pai ashi.

“Kejriwal tekeraba nung jail nungi adoktsü ni imlar. Nenokia pa atema sarasademtsütsüla,” ta Manish Sisodia-isa metetdaksü.

Delhi excise policy dak sendekba ken o nung taküm March 21 nü Enforcement Directorate-i AAP tongti lenir, Arvind Kejriwal pua liasü.

Supreme Court-ibo pa nem interim bail agütsüogo saka Central Bureau of Investigation (CBI)-ia kasa ken o dak sendakba nung pa apuba ajangshia pa tang tashi mechioker.



Kolkata, August 19, 2024: Tawa Kolkata nung aliba hospital ka nung doctor ka tashiyim amshia raksatsür tepsetba ken o nung asüngdangyatsü atema CBI-i jaokba ama August 19 nü taoba mapang RG Kar Hospital nung principal Sandip Ghosh, CBI office-i arudang tangokba noksa nung angur.

Coast Guard Director General, Rakesh Pal temelungjang tashidak agi asü

Chennai, August 19 (Agencies): Coast Guard director general, Rakesh Pal Amongnü Chennai nung lia temelungjang tashidak agi süogo.

Osang angazükba agi, Union defence minister Rajnath Singh-i Chennai semdangtsü aliba dak sendakba nung coast guard headquarters nung pa leniba nung ketdangsertem den senden amenba mapang nung pa teku nung tashitsü atu. Iba sülen nikongdang 2:30 ako meta pa Rajiv Gandhi Govt. General Hospital (RGGGH)-i anir ao saka mekümzükteti aonung 7:00 ako meta asü.

Defence minister Rajnath Singh aser Tamil Nadu Chief Minister MK Stalin nati hospital semdanga asür nem akhüm agütsüogo.

Defence minister-i X ajang, “Tanü Chennai nung Rakesh Pal, DG, Indian Coast Guard anojungi asüba osang angashia jashir. Pa ya tenendak ketdangser ka liasü. Pa lenisüba

kübok Indian Coast Guard-i India nung tzüyim nung security tashi itdaksüogo. Mangyimer kibong den ni mangyim jashi lemsateper,” ta metetdaksü.

DG Rakesh Pal ya yaküm July ita nung 25buba director general, Indian Coast Guard shima liasü. Pa Indian Naval Academy nung azüngba sülen 1989 küm January ita nung Indian Coast Guard mapa nung join asü.

Tesüiba küm 35 tsüngda pa Commander Coast Guard Region (North West), Gandhinagar, Deputy Director General (Policy & Plans) aser Coast Guard Headquarters, New Delhi nung Additional Director General Coast Guard inyaka liasü.

ICG indang rongtem- ICGS Samarth, ICGS Vijit, ICGS Sucheta Kriplani, ICGS Ahalyabai aser ICGS C-03 nung pa commander inyaka liasü.

2013 küm pai Tatrakshak Medal aser 2018 küm President Tatrakshak Medal agizüka liasü.



TIR YIMYIM YIMOBILEM (EDITORIAL)

DIMAPUR SANGTENNÜ, AUGUST (LUROI) 20, 2024

Asenok soru raksaogo!

Nisung asünungji, asenoki asen kin majungba indangbo tangar dang tak ta mesayuner aser tangashia mangashidaktsüner, ajisüaka tanübo asenok majungba ya alima danga tuluba aküm nungji alimaia miimbanga meyutet sayutsüsa kümogo. Ibaji asenok ajak atema tamakok danga tuluba maksü lir. Ajisüaka, kodang asenoki jungjunga bilemdangdir, asenok majungba aser ochimashiba mapatem ya maksü tuluka majuruiang memelenshitetsü. Iba jagi, ashiko, asenoki tanü mungdang aser arogo nung ochimashi mapatem inyakba ya kenyongi anendaktsür ochishiba putu ka tenzüktsü asoshi tanü asenok maksü mozü achir asütsüa akok. Alima nung yimten anüktsü arogo tenzükdaktsü nung, ano yimten dang nungi arogo-ang tamajungba kümadokra, asen lima asoshibo aji tatem anogo asütsü. Aji oda, tanü asenok asoshi kanga tia maka kaji, asenok tashimaitba aser ochimashi inyakba tesemji, tanga masü, sen amshiba nung lir. Iba tebilemstü yagi asenok tanela anir aruba mapa nung tamakok tuluka nguogo. Atangji, sen ya tongtibang nungdak, anungji ajaki aginer saka asenokisa taginüba amato, karibo tenla kidang tesarudak nunga tenla senpong nungi angiteta asemer, karibo sentep senshir tenla sen azüngdang terabo agiteta yuner, karibo tiyazü cash memo bendena arogo sen agizüka aginer, karibo arogo kisüjensü mapa nunga luzüktsü meranger, karibo arogo nungdak nung amshir tanungba sen kodanga memeyiptsür aser karibo arogo senpong nung ayutsü melen rangben kenyongi agiadoker. Ibayongji, mungdang aser arogo aika nung küm tatem nung senotsü osang junga magütsüteter. Ibaji asen kin süra, asenoki Tsüngrema nükena metsübu kümogo. Aji oda, Tsüngrema metsübuba kin jagi kechi tsübutsü ? Ibayongji, asenoki asenok senyong ayoker, asenoki senyong adianu ki raksatsür, senyong asenoki tangar dak long agi aoner, senyong asenoki tangar dak taochi mali azüker. Ashiko, asenok rongnung karibo senyong nisunga tepseter alitsüa akok. Iba jagi tanübo asen kin soru jungjunga raksaogo. Asenok raksabaji sen agi alitetsüba jenjang masü, asenok jakla raksa, anungji tangari asenok dak temulung malem kümogo. Tangar tashitemeteteri ashi ama, asen ket nung akaba rongsen ka samara kecha mesama amai bilemdi, saka asenok temang nung tashidak kaora asenok langka samaogo ta bilemdi saka asenok jakla samara ajibo asen akaba ajak samar asütsü. Tanü asenok iba tia nungji, koda-anga Tsüngrem o a mejembi, koda-anga tenla mesaru aser koda-anga tenla memeshi asenoki asenok dak temulung malemstüsa jungjunga raksatetogo. Ibaji tashi mangaba agi, Tsüngrem aru tsübu atsüka aliba tensa mapang den kasa amai bilemer. Aji oda, joko koda-anga 'nü yimli arung' ta sarasadema mesütetka asenoki asenok menendaktsüogo. Iba ama tia ka nung, shibaibo tenla sen meshiteta sarasademtetsü ? Aji oda, asenoki tangang angateter dang ashi, asenok nungdakbajibo tenla sen meshitetsüba masü saka asen mulungjang aser asen teka meshiteta sarasademtsüba liasü ! Yashi tashibo arogo lenirtemi yimten nung ochimashiba indang anema jembi, saka tanübo ochimashiba anema shibai ola adoktsü ? Joko, asen lima aser asenok alidak ya auer tesep amai ka dang kümadokogo. Iba jagi tenla kidang amener ajakji auer amai dang angur aser sabang nungi sayutsüngsangji auer tetsütiba amai angur. Aji oda, ajaki pei tenük dang ajung asaa inyakba putu tasenbaji tanü asen putu kümogo. Joko, asenok ya tasen küma soshitsü kanga nungdaker, kechiyong asenok tanü soru raksaba ya mapang agia asüyonga junga anepalura, aneptsüa akok saka tanaben mesoshira tarak alitsü, anungji sorubosa majungtsü. Iba jagi asen Kibubaia tanaben asotsü nungdakba indang ashi südi ta tangang tali tejangjaba angateter. Asenokbo tamajung inyaka yur kechiba miimshitsü ? Tashidak miimshibaji tamajungba akümstüba dak alaka tajungbabo makümstü. Ajak dang hau onok majunga ta shidi aser nisung tsüngdanga aser Tsüngrem tsüngda asen menen tokzüka bendanga agütsüdi. Atangji, tajungba akümstübaji kodang menua mali aser tamajungba akümstübajia temenu maka !

OLEMSABANG

ASÜKÜM AGI TERAкса ASER TELEMSA ADOKDAKTSÜR

~ L. Kika Pongener.

Asen mimchir dak jakla aika keta lir, item jaklatem rongnung asüküm jakla ya ajak dang tamajungtiba jakla asütsü. Asüküm jakla agi nisung ka dak keta aliba sempet tajung ajak menentsür. Nisung shiba dak asüküm jakla keta lidir pa/la jagi tangar dang aküm-metsübutsü aser tangar ajak dang nungi pa/laji temaba aser temetetba ama pei sasa ulua bilemstü. Asüküm jakla aketba nisung jagi ajemalua tila makümstü aser tangar nungi shisatsü magitsü, saka pei mulongba, pei angatetbaji dang shitak ta bilemstü. Tsüngrem o-i ashir... "Asüküm agi teraksa adokdaktsür aser ngasangadem agi ludaktsür" (A.Shin-16:18). "Kibubai sempaba mapa terok lir, hau pa tsüngdang tesempatsü temenen tenet lir...Asüküm tenuk, tiyazü temeli, tai maketba zü tokshiba, temenen tasa asaba, tai inyaktsü karaa asema, tiyazü jembiba küli aser rarabangsen prokba" (A.Shin-6:16-19). Tsüngremi sempaba temenen tenet rongnung "Asüküm" ya mezüngbuba lir. "Asüküm agi rarabangsen adokdaktsür" (A.Shin-13:10). Koba lokti nung asüküm jakla aketba lennir lidir, iba lokti nungji teti mepetmesu aser telemsa alitsü. Pa/la lennisuba nung keta-sena tanidaknur aika malitsü.

Ano Tsüngrem o-i ashir, "Shibaisa pei sasa uludir pa tila kümdaktsütsü; aser shibai pei sasa tila kümdir pa ulutsütsü" (Mathi-23:12). "Yamaji nenok rongnung shibai tulu kümner pa nenok tenzüker asütsü. Aser nenok rongnung shibai temaba suner pa nenok kilir asütsü" (Mathi-20:27-28). Kodang aseni asen sasa kanga ulua bilema pei sasa tangar ajak dang nungi tuluba aser temaba ama bilemdir, idangji maksu ajurutsü, saka shibai pei sasa tila küma ajemaludir, pa/la-ji nubur ajaki akümstübutsü. Yisu-i ashi..."Kodang nisung kati na kiyir benjongi jaokdir, tamasayongi nai menden temaba nung temen. Kechiaser ne dang temaba nisung ka pai jaoka lira, tejaokeri ne dangi arua ashitsü, iba nisung nem ne mendenji agüjang, aser idangji nai maksu agi teküboktiba menden nung atsüngzüka lua amentsü. Saka kodang na jaokdir, oang aser tamasayongi teküboktiba menden nung menang, aser kodang tejaoker arudir, pai ne dang ashitsü, 'Temba temaba mendeni tuang', aser idangji chiyungdak amenertem ajunga madang na tetushi angutsü" (Luk-14:8-11). Yamaji shibai pei sasa ulua bilemer pa tila kümdaktsütsü, saka shibai pei sasa ajemaludir pa uludaktsütsü. Tashir aser tangateter nisungi ajemalua tila kümteter aser ajak den liromedema liteter.

Asen sasa aseni ulua bilemba agi masü, pei sasa pei sanga jembiba agi masü, saka tangari asenji ulutsütsüla aser asangtsüla. "Ne bangi masü tangar nisungi bendangeri na sangdakjang" (A.Shin-27:2). "Kodang asüküm arur, idangji maaksu arur; saka ajemalur den tashitemetet lir" (A.Shin-11:2). "Nisung ka asükümi pa teküpoki anizüktsü, saka ajemalurji tetushi angutsü" (A.Shin-29:23). Sensaker aser maka-maiter suaka, shirnoki Tsüngrem tsübu alir, parnokji Tsüngremi janaruja nangdendak jenjang nungi temaba jenjangi ajungkettsü. "Pai (Tsüngremi) ali nungi sensaker ajungketer, aser maka maiter ruja tanang nungi ajungketer" (T.Ken-113:7).

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazüngeru angateta agitsü mepishir

Yisu jajaba lenmang nung alemba lung atuba tesem ngutet



Yirusalem nung Yisu Khrista jajaba lenmang 'Pilgrim's Road' noksa nung angur.

August 19, 2024: Yirusalem nung archaeologist temi lung tutetba tesem ka ngutetogo; iba tesem nungi tutetba lungtemji Yisu Khrista mapang shia jajaba lenmang nung alem südi, ta parnoki metetdaksü.

Southeast Jerusalem nung aliba lungji küm 2,000 tejaklen 'Pilgrim's Road' nung alemba liasü, aser iba lenmangji Silom tzübo tashi aoer; kong Yisu Khristai nukpoker ka anepja liasü (Yohan 9).

Israel Antiquities Authority (IAA)-i iba tesem nungji kisüdang amshiba lung aika

angu, aser item lungji mile ana shi pilar aliba Pilgrim's Road nung aliba lung den mesükteper, ta metetdaksü.

Research agirtemi David yimti nungi tenzüka tekülem ki tashi aoba Pilgrim's Road nung lema aliba lungji kisüdang amshiba lung denji kanga mesükteper, ta bushitet.

Lung tip anatsülenji tarak kesa keta lir, aser item tarakji ali telung nungi lung tutetba mapang nung ketdaksüba taraktem lir.

Lungtemji touzük ton 2.5 shi asütsü aser itemji 1st

Century BCE nung Herod chuba tetuyuba nung inyakba mapatem nung amshiba asütsüa akok.

IAA nung lenir ana-Michael Chernin aser Lara Shilov nati, "Kisüdang amshitsü atema lungtemji karbo Yisusalem lenmang nung alemtsü atema amshi asütsüa akok, kechiyong tang Har Hotzvim nung lung atuba tesem nungi tutetba lungtemji yimti lenmang nung alemba lung den tasazük aser temelen kasa dang," ta parnokisa metetdaksü.

Nicaragua linük nung ketdangsertemi Khristan tetsür 6 pua lir

August 19, 2024: Nicaragua linük nung yimsü dak sendakba mapa balala inyakba atema Khristan tetsür trok apu; tetsürtemji Catholic Khristan pongu- María Asunción Salgado, Evelyn Guillén, Adela Tercero, Gabriela Morales, Maricarmen Espinosa Segura aser Protestant Khristan, Marisela de Fátima Mejía Ruiz nung lir, ta International Christian Concern (ICC)-i metetdaksü.

María Asunción Salgado yaküm October 7 nü apu. Salgado den tetsür anati Nuestra Señora de Asuncion parish nung shilem agiba agi ketdangsertemi parnok apu.

Evelyn Guillén-a yaküm August 5 nü apuba sülen tang tashi mechoker. Guillén-i Bishop Rolando Alvarez chiokang ta takhangba agüja poster ka amshiba atema la pua liasü.

Bishop Alvarez ya 2022 küm August ita nung apu aser küm ka dak tali tepuokdak ayuba sülen tesüsa taküm January 14 nü chiok saka linük nungi meindoka Vatican-i yok.

Yaküm August 19 nü ketdangsertemi Khristan rejutem mita aoba mapang nung Adela Tercero aser Gabriela Morales na apu. Tenati osang tai proker aser linük security anema inyaker, ta tena

nem tai tonglokja liasü.

Tena ket nung temesepba mozü bena liasü ta tai tongloka tena apu, aser tena atema ken ojembitsütsütsü asoshi attorney-a memela.

Tercero ya Managua nung aliba Jesuit Central American University (UCA) nung azüing aser Morales ya Jesuit Juan Pablo II University nung kaketshir lenir ka liasü.

2018 küm sorkar anema longkak aitba mapang nung Jesuit Central American University nung azüingertem aikati shilem agia liasü.

Iba mapang nungjagi tenzüka Nicaragua Tir, Daniel Ortega tetuyuba nung sorkar ketdangsertemi Khristan school tem shibangtsüba den külemi Arogo anema inyak tenzük.

2018 küm longkak aitba mapang nungji Arogoia longkak aiterem yariba den külemi sorkari meimchir temeden balala anema inyakba anema ola adoka liasü.

Taküm küm tetenzüklen U.S. Congressman, Chris Smith-i sangdong ka ajanga Nicaragua sorkari longkak aiterem anema inyakba aitsüogo.

"2018 küm nungi tenzüka Nicaragua nungir meyrjang aika linük nungi jena ogo. Iba mapang nungji Ortega-i aniba sorkari longkak aiterem anema

tashiyim amshia nisung noklang aika tepset, meyrjang aika yirutsü aser nisung aika pua liasü," ta Smith-i metetdaksü./

Maricarmen Espinosa Segura-i senotsü tsütsü ochimashi mapa inyak, ta tai tonglokja la apuba sülen la küm 10 tepuokdak ayutsü obendang agütsü. La ya Puerta de la Montaña Ministry nunga sendaktepa lir. Iba ministry ya US nung amenoka aliba Mountain Gateway kübok ministry ka liasü. Taküm March ita nung Puerta de la Montaña ministry nung inyaker pastor 11 aitsüba sülen tepuokdak ayutsü obendang agüja liasü.

Puerta de la Montaña aser Mountain Gateway nati senteper Nicaragua nung evangelical sentong aika ayongzüka agidang nisung meyrjang aikati Khrista agizükogo.

Puerta de la Montaña Ministry nungsa inyaker Marisela de Fátima Mejía Ruiz-a küm 15 tepuokdak ayutsü obendang agütsüogo.

Taküm June ita nung United States Commission on International Religious Freedom (USCIRF) report ka ajanga, 2018 küm nungi tenzüka Nicaragua nung sorkari Khristanem aser Arogo anema inyakba osang tejangja metetdakja liasü.

ANOGO ABEN TSÜNGREM DEN

Taküm tasen

Anungji nisung kar Khrista nung lira, pa tasen poktetba. Tejenbaji süiogo, ajiang, ajak tasen kümogo. 2 Korint 5:17.

Yisu ne mulungi aitang ta asüngdangba agi na khristan ka maküm. Kodang na tanaben aso, na Khristan ka aküm. Yisui ashi, "Atangji Zünpung ni ne dang shidi, tanaben mesora, nisungi Tsüngrem yimli mungutettsü" (Yn. 3:3). Sarasadem ka ashiba mesüra yimjak nung telemtetba agiba mesüra telemtetba agi card ka sign asüba agi na mekümzüksü. Tanaben asoba agi dang aji inyaksü akok. Tenyar Pauli ashir, kodang na "Khrista nung lidir" tejenbaji süitemer. Na tekümtet anguba anogo nung nai menaa aliba temenentem ajak adoker. Yirur na timtema aruba ajak tanebtsü angur. Nai tamakok ngua arua liaka temeim aser agizükba ne meyong akümer. Timtem tekangshi ajak joko mali moatsür.

Kari na tanela nung tanaben asoba tesüngmangtsüji nemaa kümdaksütsü ashiba nai angashitsü akok. "Tang na "Khristan süa nai tesüiba nung kechisa ajangshia aru ajakji ajangtsü aser ibaji akoktsü mapang agitsü" ta mesüra, "Na tanaben asotsü akok saka maneni na temenen den rarateptsü, aser nai ne tashi mait nung takok angutsü ta yimlar.

Tebilemstüji shibai na tanaben sodaktsür pa dangi asen taküm aotsü melen aseni merangba agi tanaben asotsü merangbaji lir. Na temenen nungi nüji akümstü asoshi Laishiba nung tabensa kuli agütsübaji Yisu Khrista aser Tsüngremer chir asütsübaji teperi. Satani ibaji masü ta na mesüzüksü bushir. Shiba dang nai amangtsü?

Middle East nung Khristantemi rara tasen ka atema renemer

August 19, 2024: Tang Israel-i Hamas anema maneni raradang Middle East region nung tensa tamajungba kümdar, aser rara tuluba akümstüsa aliba mapang ka nung Khristantemi tensa tamajungba akümstü ta meteta renemshir, ta International Christian Concern-i metetdaksü.

Middle East nung Israel aser Iran na tsüngda rara tuluba adoktsüa akok.

Middle East nung rara adokba shia takoksa tuluba angurtemji Khristantem lir, kechiyong rara mapang nung Khristantem kanga reshikangshir.

Israeli Foreign Ministry nung ketdangser, Fleur Hassan-Nahoum-i, Israel aser Iran na tsüngda rara mepaidoktetsü, ta metetdaksüogo.

Iba ama tensa mapang ka nung Iraq nung aliba International Christian Concern (ICC) indang partners-i Iran nungi bomb tesashi kodang yoktsü aser kibongtem amoi oa aliba mapang nung bomb agi amaktsü asü, ta shisabulutsür.

"2003 küm nungi tenzüka Iraq nung Khristantemi tensa mapang tamajung aika ajangshia arudar aser tarutsü anogotem atema-a shisabulua

bilemer. Middle East nung tensa raksara ibaji ajanga Khristantem tamajungba kongshitsü," ta Iraq nung ICC partner-i metetdaksü.

BMJ indang study ka ajanga, "Amokmeren tensa ajanga tsübuba agi sowar kümdaksütsüsa mapang ka nung lir. Maneni tsübua dang aliba ya mental health timtem balala den sendaktepa lir, aser item rongnung post-traumatic stress disorder (PTSD) aser soseta asütsü bilemba timtem densema lir," ta metetdaksü.

Supreme Leader, Ali Khamenei leniba kübok tashiyim amshia yimsüsüba agi tesüiba küm aika Islamic Republic of Iran aija aruogo. Iba linük nung tamanga yimsü meyipdaksüra tasüba temerenshi agütsütsü akok. Iba linük nung Khristantem reshikangshiba agi underground church network-a lendong nungi jenbua mali.

Israel ya yimsü balala amangertem ajak sadoka litetba linük ka lir, ibayongji parnoki Islam yimsü alia amangertem aitsür. Middle East nung Iran tashi tulu kümra talisa Iraq aser Lebanon nung Khristantem alitsü majungtsü, ta aikati bilemer.

**AO OSHI ANGAZÜKDAK:
TANÜ ANGAZÜKTSÜBA OJANG**



Tamachi

(adj) Suwar, nüchi masü (idiot)

* Tamachi nisungi tajung majung memetetsü.

Tamagitsü

(adj) takidak maka, tagila masü (useless)

* Matumalem nisungi tamagitsü o jembir.

OLONG PAITEP # 6900

1		2		3		4	5			
				6						7
		8								
9				10		11				
			12						13	
						14				
16						17				

TIPIEN

- 1. Nisung jenti - (5)
- 4. Tsük rudenba - (5)
- 6. Temzüng tesashi - (5)
- 8. S _ _ _ i - (3)
- 9. Nisung telemsa - (3)
- 10. Anogoshi - (4)
- 12. Ajanga aor - (4)
- 13. Tsük rizüngdak - (3)
- 14. Tebang nungi adokba - (3)
- 16. Süngdong tatebangliba - (5)
- 17. Meputep - (5)

LANGTSÜNGLEN

- 1. Tenük telong - (9)
- 2. Committee dang ajar - (5)
- 3. Yagi ki okdoker - (7)
- 5. Yim lenmang - (5)
- 7. Temoatsü keter meyipa aruba - (9)
- 11. Kanga junga menemba - (7)
- 12. Majinü - (5)
- 13. Tzüma nung senzüba - (5)

OLONG PAITEP # 6899 TELANGZÜBA

TIPIEN :

- 1. Telok, 4. Aluru, 6. Ozüng,
- 8. Emk, 9. Kin, 10. Teti,
- 12. Süir, 13. Jen, 14. Ola,
- 16. Talak, 17. Mazük.

LANGTSÜNGLEN :

- 1. Tenükjang, 2. Luden,
- 3. Kiochtsü, 5. Lenti,
- 7. Tajangzü, 11. Teronem,
- 12. Sempa, 13. Jahaz.

NAI-A YA METETTER MA



OMEGA-i khen danga methitemi Olympic Games 31 buba atongtepa official timekeeper mapa inyakogo. Switzerland nunger watchmaker OMEGA ajanga 2024 Paris Olympics nung sports 32 nung events 329 mapang shitak repranga liasü aser iba atema OMEGA-i timekeepers 550 aser state-of-the-art equipment 350 tons tashi amshio. Item professionals den külemi trained volunteers 900 ajanga Eiffel Tower Stadium aser Grand Palais amala tongtipang tesemtem nung timekeeping repranga liasü. OMEGA-i hopta ana tema timekeeping kanga junga repranga ajanga tetoktepa balala nung Olympic records 132 aser World records 22 tashi ajatetogo.

Guwahati nung City Centre shopping mall shibang

Guwahati, August 19, 2024

(Agencies): Guwahati nung City Centre shopping mall kanga dang ajungbena shibang aser parnoki "technical issue" ta ashir saka osang kar ajanga bomb yutsüba metetdaksüogo. City Centre shopping mall kima nung "For Technical Issue Mall Will Be Shut Down For 2 Hours" ta zülua liasü.

Iba tesem nung security personnel lir aser traffic cones

ajanga tesem meketbanga lir. Ketdangsürtemibo technical khuret ka ajanga shibang ta ashir saka security timtem ka ajanga shibang ta iba temeket nung alirtemi ashi.

City Centre shopping mall ketdangsürtem dangi email ka nung bomb yuja aliba osang aru ta Assam Police ketdangsür kati ashi.

"Iba mail ya India kübok tesem 75 dangi yok. Iba mail

address bar nung recipients 75 lir. Iba shidi nung bomb ka ajanga mall poksaktsütsü amokmerena lir" ta police ketdangsüri ashi.

"Onoki iba amokmeren zübazüba meyutsü aser mall nung nisung ajak senshidaktsü. Bomb disposal squads aser sniffer dogs ajanga search operations inyakdar. Tang tashi nung kecha mengutet lir" ta paisa ashi.

**NAGALAND SCIENCE MISSION
DIRECTORATE OF SCIENCE & TECHNOLOGY
KOHIMA, NAGALAND**

S&T/NSM/HRD/188/2024

Dated: Kohima, the 10th July, 2024

**INVITATION FOR REGISTRATION OF HUMAN RESOURCE (HR) DATABASE
UNDER NAGALAND SCIENCE MISSION**

The Nagaland Science Mission (NSM) under the Department of Science & Technology is creating a HR Database for Naga Researchers, Scientists, and technologists in the field of Science & Technology. The main aim for this, is to have better linkages, create a common platform for the Indigenous Nagas working in various fields of Science & Technology to foster the Scientific sustainable development in the State. This is also aimed to acknowledge and felicitate the achievement of Nagas for their contribution to Science & Technology in India and Abroad.

With these broad objectives, we request the Naga researchers, scientists, and technologists working in various field of science to register with NSM.

You may kindly submit your latest resume with photographs to nsm.nagaland@gmail.com on or before 31st October, 2024.

SD/-
Mission Director.

**GOVERNMENT OF NAGALAND
DIRECTORATE OF TECHNICAL EDUCATION
NAGALAND: KOHIMA**

Dt. Kohima, the 19th August, 2024

NOTIFICATION

NO. DTE/ESTT-2/4/2016-17/: Upon the recommendation of the State Common Selection Board, the provisionally selected candidates to fill up Nagaland State reserved seats in MBBS, BDS, BVSc& AH, BHMS, BAMS & BUMS courses for the academic session 2024-2025 based on the NEET (UG) - 2024 Merit has been declared and uploaded on the Department website <https://dte.nagaland.gov.in>. The above selected candidates are informed to attend the counseling scheduled on 22nd August, 2024, (Thursday) at 11:00 a.m. in the Conference Hall of the Directorate of Technical Education, Nagaland, Kohima without fail.

Failure to attend the said counseling shall be assumed as declined and their candidature for selection and nomination to MBBS and allied courses and BVSC & AH shall be forfeited.

(ER. VIPULHOU LHOUNGU)
Director.



**GOVERNMENT OF NAGALAND
DIRECTORATE OF INDUSTRIES & COMMERCE**



NAGALAND : KOHIMA

ADVERTISEMENT



Training & Placement Programme (Fully Sponsored by Ministry of MSDE, Govt. of India) at Nagaland Tool Room & Training Centre

S.No	Job Roles	Duration	Eligibility	Tentative start date
1	Welder Fabrication (MMAW)	2 Months	8 th passed	2 nd week of September 2024
2	Plumber	2 Months	8 th passed	
3	Mechanic (Four wheeler Service Assistant)	2 Months	8 th passed	
4	Electrician	2 Months	10 th passed	

Features

- Free of cost Training Course, Fooding & Lodging
- Placement Assistance after completion of training
- Admission on first come first basis.
- Age Limit : 18-45

LIMITED SEATS

List of documents to be submitted:

1. Educational Qualification Certificate
2. Aadhaar Card (should be link with mobile Number)
3. Bank Passbook (If any)
4. Passport size photo (2 copies)

Sd/- Director, Industries & Commerce and C.E.O., NTTC

CONTACT NO. 8413870785/8837426161 (M)

New Industrial Estate, Sub-jail Junction (Tinahi), NH-36 Road, Dimapur : Nagaland, Pin - 797 113.

• Website: www.nttcdimapur.org.in/ • Email ID: nttcdimapur@gmail.com

GOVERNMENT OF NAGALAND

DIRECTORATE OF TECHNICAL EDUCATION

NAGALAND : KOHIMA

NOTIFICATION

NO. DTE/ESTT-2/02/2023-24:/To fill the vacant seats given in the tabulation, all the interested candidates are informed to collect the prescribed form available at the office of the undersigned during the office hours from 20th -21st August 2024 on payment of Rs 400/- (four hundred only)

Table with 5 columns: Sl. No., Name of course, No. Of Seats available, Eligibility, Name of Institute/college. Rows include B. Sc. (Hons) Natural Farming, B. Sc. Community Science, MLT, Bachelor of Fisheries Science, B. Sc. Food nutrition & Dietetics, B. Sc. Horticulture.

The candidates, whose applications were rejected earlier, may also apply in plain paper against the vacant seats as shown in the table.

Last date of acceptance of application is 21st, August, 2024 till 4:00 PM.

Selection & nomination shall be purely based on class 12th PCB merit only.

(Er. VIPULHOU LHOUNGU) Director

MULUNGNEN O



13-05-1930 ~ 15-08-2024 Revival Samanir

Onoki teti meima aliba ojala Lt. Limalemla (Longsa) la shirangba anogo nungi tasü nü tashi, Yimer yimsanger Arogotem, kiyonger, medemertem aser temeimbatem, nenok ajaki Ojala tatempang anogo tashi, nübo rongsen aser sarasadem agi yaritepago nenok ajak dang kangasa pelaba lemsateber.

Onoki arua nenok ajak dang pelaba meshiteta atema sasar, saka nenok mapa tajung kodanga mamatsü moajangma. Tsüngremi nenok ajak moajangma.

Temeim Chirnur, Anükapang aser Semchirtem.

National poll nung Donald Trump dang Kamala Harris tajungba

Washington, Luroi/August 19 (Agencies): United States nung tir election agitsü lia national poll ka agiba nung Republican telok nungi Donald Trump dang nungi US Vice President Kamala Harris ya tera tajungba lir, ta Washington Post-ABC News-Ipsos survey ka ajanga ashi.

Iba poll nungya Harris-i shilem 49 aser Trump-i shilem 45 ngutet, anungji ita ka jakdang Joe Biden aser Trump tsüngta asadangba nungi Democrats ya tera tajungba sayur. Ano candidate ka inoker asadangba nung Harris-i shilem 47, Trump-i shilem 44 aser Robert F. Kennedy Jr-i shilem 5 ngutet.

Harris jenjang ajungba ya Democrats asoshi temulung ulutsü maparen ka lir, kechiaser parnok indang national convention ya taonung tenzüker. Iba

convention nung Harris-i Democratic presidential candidate indang nomination agizüktüsü. Democratic National Convention nung adentsü atema Harris ya Deobarnü Chicago tonga aruogo.

Tang Harris jenjang tajungba liaka kanga mesür. November election atema state tenet - Michigan, Pennsylvania, Wisconsin, North Carolina, Georgia, Arizona, aser Nevada - ya kanga tongtipang lir.

Harris-i Biden melener ano polls balala nung la den tokteptsü alisang Trump dang jenjang tajungtiba ngutetba ajanga Democratic party tashi tali itshir. Harris Chicago bushia aodang tongtipang state, Pennsylvania nung anena yangji anogo tepiyong bus nung senzüa liasü. 2016 küm iba state nung Trump-i takok angu aser 2020 küm Biden-i akok.

Kanga meranga nübu yima jajaka Trump jenjang tajungba lir ta Harris-i shijen ashir aser November 5 election atongtsü anogo 79 dang liaka meranga nübu ayimtsü ta ashi.

“Ni kanga agi jenjang tamajungba nung lir, America nübur indang vote angutsü atema mapa teinyaktsü aika lir,” ta Harris-i Pennsylvania nung osangbener dang ashi.

Harris jenjang kanga kera junga kumaka arishi küm 78 tain taoba US tir Trump-i America nung mezüngbuba tetsür, Black aser South Asian vice president maneni luja liasü.

Anogo ka jakdang Pennsylvania nung rally ka nung Trump-i Harris ya tekolok meshidak ta ashi aser arishi küm 59 tain Harris dang nungi tereprangtsü pa tajungba ta jembia liasü.

Pua alir chioktsü asoshi ceasefire ya maongka tatembangba: Blinken

Tel Aviv, Luroi/August 19 (Agencies): US Secretary of State Antony Blinken-i Gaza nung ceasefire alitsü aser pua alirtem chioktsü atema tangya tajungtiba aser maongka tatembangba asütsü akok ta ashi.

Blinken-i iba o ya Hombarnü Israel Tir Isaac Herzog den senden ka amendang ashi, shiba October ita rara tenzüker iba region yagi tan agi tokuben buba arua lir.

Iba ken o jembishinü ya taoba hopta Doha nung tenzüksüba sülen US-i teimla akar, saka Hamas-ibo terenlok lir ta jembiba ya mangporba lir ta ashir aser Gaza nungi Israel sepaitem ajunga ainshitsü atema jembiba nung tangatetep kati marur ta Hamas-i shijen ashir.

Hombar nikongdang Blinken-i Israel Ato Kilonser Benjamin Netanyahu ajurudanga ajungshitsü amai imlar.

“Tensa tali tamajungba makumtsü, dangar ain adoka jashidaktsüba malitsü, asenok iba yimjung ken o tatem kati marutettsüa inyaksangshi

malitsü, iba rara ano dangaleni prokshia modaktsütsü atema asenoki inyaker,” ta Blinken-i Herzog den senden amendang ashi.

“October 7 sülen ibai ni atema Israel aser Middle East semdangba tokuben buba alitsü, aser tangya tongtipangtiba mapang, pua alirtem kidangi aotsü, ceasefire ka yanglutsü aser nisung ajak lenmang tajungba nung jasadaktsütsü atema ibai maongka tajungtiba aser tatembangba alitsü akok.”

Tang jembishinüba ya US-i benokba proposal tajungba kuma yanglushiba nung ajemdaker Israel aser Hamas tsüngta mapang talangka nungi tawa aliba nung apu alatsü nükjidong nung lir.

America nungeri taruba hopta tashinung tezüngzüktep ka agiteptsü imlar. Saka iba teimla ya Israel lenirtem mesüra Hamas-i melemsateper.

Anatsü len nungi tamang makateti tekong meranga nokdaker aser tezüngzüktep yanglutsü aliba nokdang.

Deobarnü Hamas-i sangdong ka agütsüba nung

Israel Ato Kilonser Benjamin Netanyahu-i yimjung ken o jembiba nung tetsükdaktsü yutsür aser rara atsülangtsü nükjidong nung conditions aser takhangba tasen yanglur ta aija liasü.

Mediators temi meranga inyakba aridokba aser agreement nung tetsükdaktsü agütsüba ya pai inyakba lir ta parnoki ashi.

Iba proposals nungya IDF züngsemtem tera ajemer Philadelphia Corridor nung alitsüba densema lir, ta Hamas osang ka ajanga ashi. Philadelphia Corridor ya Gaza south tsütsü Egypt den arütsülen alimang tilaka lir.

October 7 nü Hamas teloki Israel south tsütsü maka nisung 1,200 shi tepseter ano nisung 251 pua bener aoba langzüa Israel mitkari Hamas samatsütsü asoshi Gaza tesem balala amak tenzüker.

Tang tashinung Israel-i Gaza nung Palestine nunger nisung 40,139 dak tema tepsetogo aser 92,743 shi yiruja lir, ta Gaza indang Health Ministry ajanga ashir.

(Maneni tapak 8 nung...)

OFFICE OF THE LONGSA YIMLANG SENSO MUNG DANG

HQ. LONGSA

SANGDONGER

Longsa Yimtsüng nung koba yimten Ken O liasü ibaji tatsü talang asadanger Mokokchung District Dobashi Court ajanga 26th September 2023 koba O bendang agutsü (Judgement) iba O bendang telok anapronglai mulunga agizüka pi teinyaktsü tim inyakago. Dobashi Courti Longsa Yimlang nem nungloksüba ama Village Council member list 31st October 2023 nung agutsü, iba sülen mapang talangka oaka Dobashi Court aser District Administration nungi osang kecha mali asü nung Deputy Commissioner Mokokchung den tezüluba nung pa tenyaktsü teim tekaratiba nung inyakdaktsüner ta mepishia aruogo saka kecha telangzüka mali/maka nung Longsa Yimlang senso lenla Mungdang 29th February 2024 nung mena Mokokchung Deputy Commissioner mapang talangka oaka pa teinyaktsü teim meinyakba reprangteta Mungdangi kanga nemjema liasü saka Longsa Yimtsüng tajungtiba asoshi teimla nung atsüanem akatsü lemteta ano Deputy Commissioner tangi anogo 15(fifteen) tsüngta nung pa teinyaktsü inyakdaktsünur ta zülutsü lemtet aser lemtetsüba anogo tashi nung kecha osang malira Longsa Yimtsüng aser Chila/Town balala nung Longsa Yimlang Lokti tentet/ Union iba den sendaka lokti ajak tenteta aotsü ta Dated 18th March 2024 nü tezüluba nung agatsü saka Deputy Commissioner shity ka April 2024 dated Nil ajanga Longsa Yimlang senso Mungdang tangi Lok Sabha Election poll temerang iba khuretji reprangtsü ta telangzüba agutsü. Lok Sabha election Dated 19th April nü temoko saka ita 4 (Pezü) tashi süiaka District pangdak ajanga ozü khuret hau ta mali kecha osang maka seidaktsügo. Longsa lima yimten ken O adoker küm pezübuba arudang nutsüng nubu timtem jenti ngua arudaki ajioda timla tulu nung District nung tebuti (Guardian) Deputy Commissioner tangi khuret ajak lemsatepogo saka kenyongi nübor ola mangadangi hau ta mali zübazülema yutsürji tamang samadokogo anungji Longsa Yimlang Lenla Senso mungdang 17th August 2024 nu mena Longsa Yimtsüng nungi tenzüker Chila/Town ajunga nung Longsa Yimlang senso dak sendaka lokti tentet ajak tenteta aotsü lemtet.

Iba den külemi ano Wabong. Akangjungshi (Longdi) aser Wabong. Lipokmeren (Somang) tena Longsa yimlang nungi shimba Council member masü nung tena ajanga Longsa Yimlang tenüng nung Ken O kecha mejimbitsü mesura shilem kecha agitsü makok aser koba Longsa Village Council nung shilem agidar ibaji Longsa Yimlang Sensoi magizüker/recognise masür ta telemtetba iba sapang ajanga sangdonger.

Sd/- Aoshilu LYSM, President

Sd/- Tongpangkoba LYSM, Secretary

Xi aser Lam na Beijing nung ajurutep

Beijing, Luroi/August 19 (Agencies): China Tir Xi Jinping aser Vietnam Tir To Lam na Beijing nung ajurutepa sensaksemogo. Vietnam tir akümba sülen Lam-i tang mezüngbuba China semdang ta China indang official media Xinhua sangdong ka ajanga metetdaktsü.

Lam-i tir mapa agizükba sülen ita ka dang lir Beijing semdangogo. Vietnam nung Communist Party lenir Nguyen Phu Trong asüba sülen Lam-i iba mapa agizüka liasü.

Lam-i mezüngbuba official trip atema Beijing shimba atema China-i kanga pelaba lemsatepogo aser taoba hopta ashiba agi, “iba ajanga party

ana aser linük anaprongla tesendaktep akangshitsü atema pai kanga tongtibasa bilemba kuli agütsür.”

“China-i kidanger den tesendaktep nung Vietnam ya kanga tongtibangsa agir aser tarutsü nung linük ana lenmang tesademba lapoka aotsü ta amanger,” ta Xi-i ashi.

Kasa mapang nung Lam-ia linük ana tsüngda tesendaktep ya Vietnam indang external policy nung ajak dang tongtibangba lir ta ashiba den pai China semdangba ajanga par party aser Vietnam sorkar-i China den tesendaktep kanga senti süa agiba sayur, ta shisem.

(Maneni tapak 8 nung...)

National Wushu Championship atema selection Aug 30 nü agitsü



Nagaland nungi Wushu asayartem Chümoukedima nung Sanda event nung shilem agiba mapang tangokba noksa nung angur.

Kohima, Luroi/August 19 (TYO): Taruba 33buba National Wushu Championship 2024 atema Nagaland Wushu Association-i ayongzüka state level selection trial ka August 30 nü agitsü.

Iba asayamung atema selection trail ya Chümoukedima district kübok Sovima yimtsüng nung Combat Academy nung agitsü.

Nagaland Wushu Association-i sangdong ka ajanga ashiba agi, 33buba National Wushu Championship 2024 ya September 21 nungi 26 tashi Maharana Pratap Stadium, Raipur, Dehradun nung asayatsü.

Selection trial mapang category ajak nungi asayar tajungtibatem state tenüng nungi iba national championship nung ya asayatsü asoshi shimtsü, ta parnokisa metetdaksü.

Iba selection trail nung shilem agitsü aliba asayartem ya arishi küm 18 nungi 40 tsüngda alirtem asütsüla.

Selection trails item category tem nung agitsü.

Senior Men's Category: 48kg, 52kg, 56kg, 60kg, 65kg, 70kg, 75kg, 80kg, 85kg, 90kg, aser 90+kg.

Senior Women's Category: 45kg, 48kg, 52kg, 56kg, 60kg, 65kg, 70kg, aser 75kg.

Iba dak sendakba nung district associations ajak dang pei district nungi takokba tashi asayartem selection nung shilem agitsü atema yoktsü mepeshia metetdaksüogo. Parnok dangsa selection trails nung asayar kwi-i shilem agitsü, iba indang osang August 28 tashi nung metetdaksütsü mepeshia metetdaksüogo.

Maneni asayamung ayongertemi osang tejangjaba agitsü atema Azhove - 9916580774, Kangkang - 7005577940 aser Showang Konyak - 986323862 nung den item number tem ajanga t o n g t e p r a t e p t s ü metetdaksüogo.

Switzerland Goalie Yann Sommer International asaya nungi anener

Luroi/August 19, 2024 (Agencies): Switzerland indang No. 1 goalkeeper ama küm ter shi asayaba sülen arishi küm 35 tain Yann Sommer-i Hombarnü sangdong ka ajanga pa international asaya nungi anenba sangdongogo aser pa Inter Milan nungi asaya dak rangloker asayatsü, ta shiogo.

Sommer-i international asaya nungi anentsü atema telemtetba agiba ajanga Borussia Dortmund goalkeeper Gregor Kobel Switzerland team indang first-choice 'keeper akümtsü.

Sommer Switzerland team nungi mezüngbuba 2012 küm asayaba sülen pa linük tenüng nungi World Cup asem aser European Championships asem

nung shilem agiogo. Pa linük tenüng nungi 94 ben asayaogo aser tatembangbuba asaya ya Euro 2024 quarterfinals nung England den goal 1-1 agütsür tembangba sülen penalty asaya nung tamakok anguba asaya liasü.

National team nungi asayaba mapang ajaki bilemtettsüsa Sommer-i 2020 küm Euro asayamung round of 16 nung France den asayaba mapang Kylian Mbappé-i metsüba penalty kümzüka parnoki takok anguba ya asütsü. Iba asaya goal 3-3 agütsür tembangba sülen penalty metsüteptsüsa aküm.

Kasa mapang nung Sommer Inter nungi mezüngbuba asayaba küm par club-i Serie A

title abenba nung teyari agütsü. Paise, Bayern Munich nungi asayaba mapang league title tem benogo aser Switzerland nung Basel nungi asayaba mapang league titel pezü tashi kokogo.

Arishi küm 26 tain Kobel-i tang tashi nung Switzerland team nungi ponguben asayar lir. 2022 küm World Cup nung Serbia den asayaba asaya nung Sommer shirangba ajanga masayatettsüsa akümba sülen Kobel pa melen asaya aser parnoki iba asaya goal 3-2 agi koka liasü.

Switzerland pur UEFA Nations League nung September 5 nü Denmark den aser September 8 nü Euro 2024 champion Spain den asayatsü lir.

Cincinnati Open: Sinner-i Zverev koka final tongogo

Luroi/August 19, 2024 (Agencies): Alexander Zverev den asaya aika mekoki aruba sülen Jannik Sinner-i Deobarnü Cincinnati Open tebur kija asaya semifinal nung Zverev 7-6 (11/9), 5-7, 7-6 (7/4) agi koka final tongogo.

Tena tsüngda ghonda asemsür ta asaya, koba tzünglu aruba ajanga minpronga liasü.

Asaya nung mezüngbuba set tiebreaker asayaba mapang tzünglu aruba ajanga asaya minute 30 shi masayateti anena liasü.

Mezüngbuba set nung

Sinner-i Zverev indang set point ana kümzüka sülen asaya akok ajisüaka tanabuba set nung game 12buba nung Zverev-i Sinner indang serve break asüba sülen pai asaya koka liasü.

Tasembuba set nunga asayar ana kanga toktepa asayaba sülen tiebreaker asayaba mapang Sinner-5-2 agi tejakdang liasü aser tanabuba match point anguba sülen pai asaya koka liasü.

"Asaya kanga toktepa asayaogo aser jangrademtsüka liasü. Küna anüpa, tzünglu

arua asayaba sülen ano aonunga asaya liasü.

"K ü n a p r o n g l a mesüngjemteti asayaogo. Ni asayaba yimya dak kanga temulung süogo aser final tongtetba atema kanga pelar," ta Sinner-i ashi.

Sinner shibai tatensa ita ana tejakdang Halle nung asayamung ka koker lir, pa final nung Frances Tiafoe mesüra Holger Rune na ka den asayatsü.

Sinner pa indang career nung tang agi Masters 1000 final pongububa asayatsü lir.

BENDANGLI OSANG : Tapak 7 nungi...

Pua alir chioktsü asoshi ceasefire ya maongka...

Asürtem rongnung tesüiba ghonda 24 tsüngta nisung 40 asüba dena lir ta ashir.

November ita hopta ka ceasefire alidang Hamas-i pua aliba nisung 105 chiok aser Israel nung tepuokdak nungi Palestine nung 240 shi chioka liasü. Israel-i Gaza nung tang tashi nisung 111 yua lir aser item rongnung 39 sür alitsü südi ta ashir.

Tan hopta US Tir Joe Biden-i tezüngzüktep ka yanglutsü anasai arur ta shia liasü.

Ajisüaka taoba mapanga pai iba ama teimla ya lemsatepaka asangsang nung matalok.

Deobarnü cabinet senden ka nung pua alir meyipa shilangtsü atema ken o tebenja jembishinütar, saka Israel security atema principles kar wazüka ayutsü nüngdaker, ta Netanyahu-i shia liasü.

"Atsüanem akatsü aser makatsüla lir aser asenoki iba indang nenshia ashir. Ana ya bentet benteta amshitsü asenoki kanga junga meteta lir," ta pai ashi.

Honibarnü Hamas ketdangsür kati osangbener dang, "Mediators nungi aruba ya kanga tesasatsüka lir. Terenlokba mali," ta shia liasü.

US nung tir election tonga aruba mapang ka nung Israel aser Hamas tsüngta ceasefire agreement ya kanga tongtipang akumer.


May 27 nü Israel-i benokba nung ajemdaker US Tir Biden-i tezüngzüktep alitsü asoshi onüktem benokba ya noklem asem lir.

Mezüngbuba nung hopta trok meshi-meshia ceasefire alitsü, Gaza nung nisung aliba tesem ajunga nungi Israel sepaitem ainshitsü aser Palestine nung Israel nung tepuokdak yua alirtem melena tetsür, teintet rogo aser shiranger mesüra yirur alirtem densema Hamas-i pua bener aortem chioktsü.

Iba sülen tanüngba hostages takum alir ajak chioktsü aser teti atema tsükchitep anentsü.

Tasembuba nung Gaza yanglushitsü atema sentong tulu tenzüksü aser pua bener aoba sür alirtem meyiptsütsü.

Xi aser Lam na Beijing nung ajurutep



China nung diplomat, Wang Yi-i, Lam aser pa kinungtsü Ngo Phuong Ly na Beijing nung airport tonga aruba mapang agizüka liasü.

Iba sülen mapang tatsüka lir China aser Vietnam indang online publication tem nung Lam aser kinungtsü na Xi aser pa kinungtsü Peng Liyuan nati agizükba noksa sayuogo.

Lam ya anogo asem atema Deobarnü Guangzhou province tonga aru aser pai iba linük semdangba mapang Premier Li Qiang aser China nung tongtimbang lenirtem den senden amentsü.

Guangzhou nung pai tesem kar semdangogo, koba taoba Vietnam tir Ho Chi Minh Ho-i revolutionary inyakyimtem ayongzüka agiba tesemtem liasü.

Taoba küm December ita Xi-i Vietnam semdangba mapang China aser Vietnam nati tenanzüktepba aika yangluogo.

Tenangzüktepba nung railway terenlok aser tesendaktep, mapa balala nungi senotsü intoktsüba aser South China Sea nung mimlai aliba mapang tatalokbatem achaayangtsü asoshi tesendaktep yanglushiba densema lir.

China aser Vietnam na 1950 küm tesendaktep yanglu aser 2008 küm tesendaktep tajungba ka asoshi comprehensive strategic partnership ka amenoka liasü. Iba sülen küm pongu lir ano tensendaktep yanglushi, kong international aser regional ken o tem dak sendakba nung linük anaprongla tejangraba densema lir.

Linük ana tsüngda tesendatep tajung liaka Vietnam aser China na South China Sea nung mangatettep adoker aliba asetkongtem dak sendakba nung aiben mangatettep adoka arudar.

BILEMDANGANG

"Nü mapa agi na metetdaksütsü."